

**MAS DI 800 TON DI
DESPERDICIO DURANTE
BAKI DEN BARIO PA 2025:
BARCADERA A KIBRA
TUR RECORD**




WWW.SOLODIPUEBLO.COM



SOLODIPUEBLO@GMAIL.COM

**BROMMER A
PEGA CANDELA
DESPUES DI A
DAL CICLISTA**






**ARUBA Y CORSOU
TA FORTALECE
COOPERACION PA
DIGITALISACION DI
ENSEÑANSA**

**ON THE ROAD CU
CHICAS GAITERAS:
BENDICION PA TUR
HOGAR RIBA
NOS ISLA**



BROMMER A PEGA CANDELA DESPUES DI A DAL CICLISTA



Caya Ernesto O. Petronia - Diadomingo marduga algo pasa di 3'or y mey polis a bay cu urgencia dilanti San Francisco di Asis Pro-Cathedral na Playa. Un accidente serio di trafico lo a sosode, y un persona lo no tawata reacciona.

E accidente a sosode momento cu un cabayero di edad poco bebi a subi caminda net dilanti e brommer.

Aki ta unda e brommer

a dal'e y despues a pega candela.

Brandweer y 2 ambulance a presenta. Na prome instante a pensa cu e ciclista no tawata duna señal di bida pero esaki no tawata e caso. E homber cu tawata riba acera poco poco a bin bij y polis y Paramediconan tawata comunica cu ne.

Mucho informacion e tawata duna, por a scuche

ta bisa cu e ta biba na San Nicolas e la pensa cu ta un auto a dal e.

Pa locual ta e motociclista e la ricibi mas golpi cu e ciclista mes y mester a wordo traslada pa Hospitaal.

E brommer a kima completamente, posiblemente durante e impacto, algun chispa por a start e candela.

ARUBA Y CORSOU TA FORTALECE COOPERACION PA DIGITALISACION DI ENSEÑANSA

Minister Gerlien Croes ta agradecido pa e apoyo ricibi di Corsou pa desaroyo di un roadmap pa modernisa e administracion di e sector educativo na Aruba.

ORANJESTAD, 15 december 2025 – Den cuadro di fortalece e lazonan di cooperacion entre islanan den Reino Hulandes, Minister Gerlien Croes, a invita un delegacion tecnico for di ministerio di OCWS di Corsou pa contribui na e desaroyo di un plan structural pa digitalisa e veld educativo na Aruba.

E colaboracion aki ta un paso strategico pa implementacion di un sistema moderno, integral y eficiente, adapta na e necesidadnan actual y futuro di nos sistema di enseñansa.

E delegacion for di Corsou, consistiendo pa Wladimir Kleinmoedig, Samira Saab y Derrick Jonis, a presenta e sistema avansa cu tin na Corsou, conoci como CLOA – Centraal Landelijk Onderwijs Administratie. Esaki ta un dashboard digital interactivo cu ta centralisa dato esencial tocante cantidad y nivel di studiantenan, maestro, infraestructura, leermiddelen digital y conectividad tecnologico di scolnan. CLOA a logra crea un plataforma central cu por facilita decisionnan strategico riba base di “real time data”.

Minister Gerlien Croes a expresa su gran impresion

y admiracion pa e nivel di implementacion cu Corsou a logra, y ta sumamente agradecido pa e compromiso di su colega, Minister Sithree van Heydoorn di Corsou, pa cu nos isla hermana por a comparti su conocimiento, experiencianan y ‘best practices’ den e area vital aki.

“Nos ta para den un momento crucial den transformacion di nos sistema educativo, y pa yega na e nivel cu nos ta aspira, nos mester pone enfasis riba innovacion, digitalisacion y uzo inteligente di dato,” Minister Gerlien Croes a enfatisa.

Un roadmap con enfoke integral y adaptacion local E obhetivo principal ta pa implementa un dashboard similar na Aruba, adapta na e realidad local, cu por brinda acceso na informacion relevante pa cada actor den e cadena educativo – cu respet pa autorizacion y privacidad.

Creando un fundeshi sostenibel: 5 M’s y stuurgroep ministerial E framework di Corsou ta basa riba e 5 pilarnan: Mucha, Maestro, Mayor, Material y Maneho – un enfoque holistico cu ta



pone e mucha central. Den e contexto aki, un Ministriële Stuurgroep Digitalisering en Innovatie in Onderwijs lo mester wordo implementa, cu ta coordina implementacion den area di infraestructura fisico, leermiddelen digital y conectividad. Tambe ta contempla un ‘gap analysis’ den legislacion actual y un plan di transicion ordena. Compromiso y continuidad interinsular

Actualmente tin proponi pa formalisa e colaboracion cu Corsou via un Memorandum of Understanding (MOU), pa cooperacion riba tereno di innovacion y digitalisacion di enseñansa.

Otro puntonan di cooperacion ta inclui: blueprint conhunto pa implementacion y coordinacion na nivel

di e-government, intercambio di experticio (CISO, digitaliseringsunit), y eventualmente participacion structural den un 4 landen overleg especificamente dedica na innovacion y digitalisacion. “Esaki no ta simplemente un proyecto tecnico, pero un movecion transformativo pa futuro educativo di Aruba. Nos ta

inverti den conocimiento, den capacidad, y den igualdad di oportunidad pa cada mucha, cada scol y cada docente. Hunto cu Corsou, y eventualmente cu Boneiro y Sint Maarten, nos por lanta un plataforma regional cu ta pone noh hubentud central den progreso y sostenibilidad,” Minister Gerlien Croes a conclui.

Clasificados

SOLODIPUEBLO@GMAIL.COM
CEL.585 9500

ON THE ROAD CU CHICAS GAITERAS: BENDICION PA TUR HOGAR RIBA NOS ISLA



Diadomingo di recorrido cu Chicas Gaiteras. Musica di gaita lo resona y trece alegria na e hogarnan di nos grandinan, ta lcoual cu Prome Minister Mike Eman a expresa awe mainta.

Coordinacion y preparacion a bira realidad na momneto cu a mira e trailer riba caminda. On the Road cu Chicas Gaiteras lo bishita diferente cas di cuida pa asina trece musica di Pasco pero tambe un sonrisa riba cara di nos grandinan.

Lo pasa diferente barío durante dia, cu e meta di laga e ritmo di gaita alegre tur hogar riba nos isla. For di ora di mainta e set

up e salido di trailer for di Frans Figarioa na Noord cu des[ues a subi ruta rumbo Madiki.

A cuminsa e serenata y celebracion di temporada di fin di aña na cas di Famia di Casimiro Tromp na Madiki 71, cu na comienso di december a pasa den susto y destruccion desagradabel cu su cas. Un persona bou influencia a perde control y lastimamente a drenta cas e cas causando basta daño material.

A forma un team entre colega di Ministerio di Asunto General, cu a yega y pone man hunto y reconstrui e muraya di cas.

Awe e mes un team, hunto cu Prome Minister di Aruba t'ey un biaha mas, pero cu sonrisa y alegria.

Acompaña cu Chicas Gaiteras, a bin brinda e mensahe di amor y hermandad den hogar di Famia Tromp, caminda a cende e luz di speransa riba kerstboom y desea hopi bendicion na famia Tromp, como tambe henter e vecindario cu e serenata di gaita, pa asina brinda e comunidad, como tambe nos grandinan e oportunidad di sinti e calor di e temporada, cu tur bon desea y bendiciona pa nan tur.

MINISTER GERLIEN CROES TA SATISFECHO CU PLAN STRUCTURAL DI ACCION PA MANTENCION DI INSTALACIONNAN DEPORTIVO NA ARUBA

ORANJESTAD, 15 di december 2025 – Siguiendo cu e plan di accion di mantencion pa algun luna caba, Minister di Deporte, mr. Gerlien Croes, ta continuamente activo hunto cu Departamento di Obran Publico (DOW) pa implementa e programa di mantencion pa e instalacionnan deportivo na Aruba.

E plan di accion di mantencion ta den su ultimo fase di ehecucion pa aña 2025, e ekiponan tecnico di DOW y Ministerio di Deporte a traha man den man riba mantencion di varios veld y cancha deportivo durante e ultimo fin di simannan cu a pasa.

E plan di accion aki ta parti di e strategia sostenibel pa garantisa cu cada facilidad deportivo ta ricibi e cuido necesario pa sigui sirbi nos comunidad y nos deportista cu orguyo.

“Mantencion ta clave pa sostenibilidad. Nos ta kere den deporte como un instrumento di desaroyo social, y pa logra esaki, e infraestructura mester ta na su miho condicion”, Minister Gerlien Croes a enfatisa.

E colaboracion continuo entre DOW y e Ministerio ta busca pa establece un sistema di mantencion preventivo y periodico, sigurando transparencia y eficiencia den uzo di fondo publico.

Minister Gerlien Croes a expresa su gratitud na DOW y na tur colaboradornan cu ta contribui cu dedicacion y profesionalismo, y a reafirma cu e ministerio ta compromete pa amplia e programa di mantencion pa mas instalacionnan deportivo durante e proximo fase di implementacion den aña 2026.



FIN DI AÑA TA DUSHI... PERO CUIDA BO MES

E fiestanan ta serca y tur caminda bo ta wak e imagen ta wordo pinta cu hopi gezelligheid manera bunita luz, dushi cuminda y momentonan perfecto.

Pero hopi hende ta experencia e otro banda tambe: mas presion, mas compromisonan, mas di cosnan cu “mester”. Prome cu bo por bisa tur hende “bon pasco” ya e temporada aki ta sinti mas mane un marathon y menos mane un temporada di sosiego y reflexion.



MINISTER GERLIEN CROES A CELEBRA GRADUACION DI CURSISTANAN DI SUPERVISOR MANAGEMENT 1 Y 2 DI ENSEÑANSA PA EMPLEO



ORANJESTAD, 15 december 2025 - Den un atmosfera di orguyo y alegria, mas di 40 cursista a culmina exitosamente e curso di Supervisor Management 1 y 2, un programa crucial ofreci pa Enseñansa pa Empleo (EPE) cu ta conecta siñamento cu oportunidad real den mercado laboral. Durante e ceremonia di graduacion, Minister di Relacionnan den Reino, Educacion, Hubentud, Inovacion y Deporte, mr. Gerlien Croes, tabata presente pa entrega personalmente e certificado na cada cursista cu a completa esaki cu exito, acompaña pa docente y personal di Enseñansa pa Empleo. Den su discurso, e minister a destaca e balornan di superacion personal y formacion continuo como fundamento pa un futuro mas fuerte. E programa di Supervisor

Management ta diseñá pa amplia habilidadnan den liderazgo, maneho di personal y operacion, hopi esencial pa esnan cu ta busca avance den nan rol profesional. E iniciativa aki ta muestra e compromiso continuo di Aruba pa promove desaroyo humano y prepara mas hende pa contribui den un economia creciente.

Minister Gerlien Croes a felicita tur graduado pa nan esfuerzo y perseverancia: “Pabien di curason! Sigui crece, sigui siña, y sigui inspira otro cu bo ehempel. Aruba ta depende di hende cu tin determinacion manera boso pa sigui hiba nos pais dilanti.”

E ministerio lo percura pa continuacion di programanan cu ta habri porta pa hoben, adulto y profesionalnan cu ta busca direccion nobo of kier amplia conocimiento



den nan bida. Enseñansa pa Empleo ta reafirma cu siñamento ta un proceso cu no tin final, y cu e voluntad pa supera mes ta e forza cu ta crea transformacion real.

Minister Gerlien Croes tambe a expresa su gratitud na e personal

dedica di Enseñansa pa Empleo y na docente Ernst Mohammed, cu su

guia y entrega a contribui directamente na exito di cada cursista.



MAS DI 800 TON DI DESPERDICIO DURANTE BAKI DEN BARIO PA 2025: BARCADERA A KIBRA TUR RECORD



Pueblo di Aruba a inicio di e proyecto di respalda e accion di Baki den Bario a mira e limpieza grandemente necesidad cu tabatin pa tur rond nos isla. For di deshaci di desperdicio



tanto residencial como comercial.

A forma partnernan strategico, City Inspector, Serlimar, Ecotech, Fundacion pa nos Comunidad, Ministerio di Turismo, ATA y awe ta mira atras riba un iniciativa cu a resulta den un exito rotundo pa locual ta limpieza di nos isla. Den tur cas, bario, scol, club, compania por a mira con a sostene e accionnan aki den diferente bario y cu awe ta finalisa den area di Barcadera cu e ultimo Baki den Bario pa 2025.

E edicion aki a kibra tur record y expectativa, ta locual cu Prome Minister Mike Eman a expresa awe mainta durante momento cu prensa na Barcadera. For di ora tempran di mainta a presenta ciudadano cu nan pickup den fila pa asina deshaci di nan desperdicio y yuda tene nos isla limpi. Manera semper e team presenta ta bon prepara, tur cos a marcha den bon coordinacion y cada desperdicio a bay nan baki

asigna.

Un palabra di gradicimento na Jean Pierre Gomez, cu a pone e tereno disponible pa asina e accion di Baki den Bario por a tuma luga, como tambe na Timmy Faro cu a encarga di mobilisa e containernan for di riba e area y cu asina ey e espacio a keda liber pa e accion di Baki den Bario. Aplauso grandi a bay tambe na tur miembro di prensa cu a compana cada edicion di Baki den Bario, presente den ora hopi tempran di mainta y a contribui na e exito rotundo di cada accion di Baki den Bario.

E compromiso pa un isla limpi y dushi pa biba riba dje ta punto principal tras di cada edicion, tin di menciona cu esfuerso aki a hiba na total 447 baki di Ecotech, 14 baki di taira, incluyendo baki full yen di carton, un baki di 696 ton di bulk cu a carga cu sushi mixto.

Pa locual ta trata green waste, e yega na 70.5 ton / 56 baki di desperdicio berde (mata), y 20 ton di

taira cu a logra deshaci di dje

Total pa locual ta trata e accion di Baki den bario, esaki a mira:

- Mas cu 4000 vehiculo
- Mas cu 800 ton di sushi
- Mas cu 500 baki
- 10 Baki den Bario pa 2025

Prome Minister Mike Eman sumamente satisfecho cu e acogida di e accion di limpieza aki rond nos isla, gradecido na tur cu a acepta e invitacion, a uni na e esfuerso y a deposita nan desperdicio na un of otro accion den nan bario.

Proximo aña lo inicia cu localidad fiho pa deshaci di desperdicio, manera indica den diferente rueda di prensa, intencion di gobierno ta pa ubica seis puntro strategico ront nos isla, cu baki permanente y asina brinda e comunidad e oportunidad di haci uzo di e bakinan aki na momento cu ta necesario. Nan lo ta disponibel 24/7 y sin gasto alguno!

HOLIDAY MARKETS TA YAMA BON BINI NA DIANAN DI FIESTA NA HILTON ARUBA CARIBBEAN RESORT & CASINO



PALM BEACH - E di cuater apertura di Holiday Market ta inicia na Hilton Aruba Caribbean Resort & Casino den luna di december 2025. E edicion aki di e mercado popular di diano di fiesta cu artesano local lo tuma luga den e lobby principal decorativo riba 3 di december, 10 y 17 di december entre 7pm pa

9:30pm.

E mercadonan aki ta un manera bunita pa bishitantenan y localnan disfruta di loke ta e temporada di pasco aki na Aruba. Cada siman e encuentro lo inclui diferente seleccion di artesanía traha na man, y regalonan unico cu musica

presentando tur e clasico cancionnan faborito di pasco.

Tambe tur siman un grupo diferente di artesano lo presenta nan creacionnan, incluyendo sea glass art, joyeria traha di lionfish fins, canvas painting, bela organico, piesa di palo, resin artwork, y hopi articulo unico.

Bishitantenan tambe por disfruta di loke ta un photo-op complementario

y bay cas cu un potret memorabel como nan souvenir. E terapistanan na eforea spa lo ta presente pa asina ofrece chair-massage y tambe otro regalonan chikito. Aruba Animal Shelter tambe lo ta presente riba cada siman pa introduci nos bishitantenan na e trabao importante cu nan ta haci. Nan lo stock un variedad di regalo pa mascota, y si algun bishitante lo desea di laga un donacion esaki tambe ta posibel.

Agregando n'e ambiente festivo, Santa y su ayudantenan tambe lo tey presente.

Bishitantenan y localnan di tur edad ta invita pa bin interactua cu Santa mientras nan ta shop of simplemente disfrutando di Aruba su spirito navideño.

Felis diano di fiesta di parti henter e team na Hilton Aruba Caribbean Resort & Casino.

ADDONSITO CONTENTO DI TA DEN E BRUHA, BRUHÀ 2 Y CU E “BLIJF HIER” RICIBI



E aña aki, Addonsito Croes tabatin e honor di tabata un di e actornan principal di e pelicularnan local di Desiree Croes, E BRUHA, BRUHÁ 1 y E BRUHA, BRUHÁ 2. Tur dos filma pa

e talentoso Semi Chahmi y su crew.

Despues cu parti 1 tabata bishita pa mas di 2000 bishitante den cinemanan local y priva, awor ta beurt

di parti 2.

E siman aki a bay den premiere EBB 2 y ta pasa henter siman den The Movies Gloria, Principal y Renaissance.

Den tur dos pelicula, Addonsito ta hunga e rol di e biologo Francis Angela cu tin e naturalesa di Aruba y e proteccion di nos Shoco na pecho y ta dispuesto pa tuma medida contra su mes hefe, sr. Dijkhoff, hunga tremendamente pa Mirto Tromp, sabiendo cu e por perde su trabou. E ta kies parti di Genoveva, Margarita y Dudu, hunga excelente pa Desiree-, Yolanda Croes y Yvonne Tromp sosteniendo nan den nan lucha contra sr. Dijkhoff cu kier kita nan cas pa su propio beneficio.

Den E Bruha, Bruhá 2, cu ta un comedia basta gracioso y cu basta accion, Francis Angela ta poco mas importante y sr. Dijkhoff t'ey atrobe pa tuma revancha riba dje, Genoveva y Dudu. Tur esaki cu sosten di su pareha, zuiver hunga pa Lelicia Tromp. E cast ta yena cu personahenan conoci na Aruba y algun extra cu fantasticamente a hunga nan rol. Algun di nan ta Saraquita Offringa, Geraldine Laclé, Egmond Molina, Shajir Croes, Edwin Duijneveld, Georxinia Croes, Nigel Maduro, Laina Hereira Westerhof, Safire Croes, Vivian Wong, Irina Croes, Javier Maduro, Rozy Zievinger, Jolanda-, Dylan-, Marina-, Lucinda-,



Felomena Fingal, Joh-nius Noor, Jayden Richardson y friends, Eddy Campos, Lamar Phillips, Arianna Koolman, Mieckey Gravenhorst y Nathalie Laclé.

Addonsito ta gradici Desiree Croes y e cast masha hopi di a permitie

di skirbi di historia hunto cu nan den e pelicula local miho bishita ultimo añanan y e continuacion di dje cu ta E Bruha, Bruhá 2. Un y tur cu a mira EBB 1 no por perde EBB 2. Danki Prensa di Aruba. Cada un di miembronan di Prensa ta ser menciona y gradici den tur dos pelicula.

Registra y salba bida!



ORANJESTAD: E ta sigur un bunita gesto, pero mas ainda e ta algo asina necesario. Nos tur conoce un hende cu pa un of otro motibo a haya nan mes den un situacion cu nan tin mester di sanger.

Sea un famia, un amigo, un bisiña, un colega of miembro di un club deportivo.

Kisas abo mes a experencia cu e sanger a yudabo

recupera bo salud di un accidente, un operacion of un malesa cronico. Danki Dios nos ta bendiciona cu profesionalnan den nos sistema di cuida medico cu ta percursa pa esaki.

Y sigur danki na e donantenan di sanger. Arubianonan cu literalmente ta duna di nan mes pa salba bida di un otro ser humano.

Storianan cu antes ora bo drenta scol di polis automaticamente bo ta bira donante di sanger.

Algun bes pa aña bus yen di aspirant ta bai bloodbank pa asina nan duna di nan parti pa yuda salud di nos prohimo.

Hopi di esnan di e tempo ey te ainda ta duna sanger, nan a sinti e proposito di duna

bek na comunidad di e forma aki.

Tin hasta dunado di trabou cu ta coopera cu nan coleganan y laga nan bai bloodbank durante ora di trabou.


Un elogio sigur pa e doñonan di trabou aki y un bon manera pa otro companianan tambe por contribui na nos pais.

Fuera di e trip pa bloodbank, duna sanger no ta costa bo nada. Kizas e ta tiki 'scary' na comienso, pero bo ta custumbra lihe.

Tin hende cu hasta gusta e hangua. Ami no ta un di eseynan, pero pa mas cu 10 aña caba sigur cada bes ta un satisfaccion pa por a yuda un biaha mas.

Ta wordo bisa tambe cu dunamento di sanger ta yuda bo mes curpa pe traha sanger fresco mas lihe, cu ta bon pa bo mesun salud.

Pa mas informacion por bishita website y pagina di Facebook di Stichting Bloedbank Aruba.



7 LANDADO DI STINGRAY SWIMMING TEAM TA CLA PA COMPETI NA PLANTATION-FORT LAUDERDALE



Diaranson e 7 atletanan di Stingray a beneficia di un sesion extra di entrenamiento na Davie Pine Island Fitness & Aquatics Center hunto cu Elite Coach di Team Azura Sr. Gustavo Rasia. E entrenamiento tabata e preparacion final prome cu e competencia di landamento Short Course den yards, cu ta tuma

lugar na Plantation, Fort Lauderdale, na Merca. Awe diahuebs, e landadonan sumamente motiva di Stingray Swimming Team ta cla pa e apertura oficial di 35 edicion di e campeonato anual di Invierno, 11 pa 14 di December 2025 bouguia di Coach Paolo Inocencia. Awe tur landado ta preparando ansiosamente

na Plantation Aquatic Complex pa asina nan por ta mentalmente prepara pa representa Aruba den gran forma. Mas di 1200 landado lo participa na e evento aki cu ta wordo considera un swim meet hopi importante pa nos landadonan Arubano. Di aki banda nos ta desea tur hende hopi exito, y pa haci



Aruba orguyoso!
Esnan cu a cualifica pa
Plantation ta:
Masculino:
- Xendrick de Man (16)
- Tyler Richards (16)
- Landon Laaf (22)
- Yeshua Maduro (15)

Femenino:
- D-Leylah Gerrel (14)
- Vitali Inocencia (12)
- Emma Ponson (12)

Stingray Swimming Team
ta desea su 7 landadonan
tur clase di exito y konkista
tempo y medaya pa team y
Aruba.

Cede di BBQ Cushina di Nestor

Diadomingo 7 di dec.

Menú

Ham di pasco
1/2 galinja jena
Roast beef mushroom sauce
Lomito mushroom sauce
Bbq mix
Galinja
Loinribs
Lomito
Pincho
Special
Salada batata
Aros con pollo

**Pa pedido por jama
riba 7497071.**
Of pasa na Siribana 45b St Cruz.

Nos kier desea un y tur un
felis dianan di fiesta

YOBIDA TA TRECE SANGURA Y SANGURA POR TRECE MALESA **Corda tira bista rond di cas y bolter tur awa para**

ARUBA- 05 december 2025. Aruba ta experienciando ultimo simannan hopi yobida y manera pueblo di Aruba sa, yobida por ta un bendicion pero tambe tin su peligernan pa salud di hende ora cu awa limpi keda para. Aedes Aegypti, e sangura pata blanco por transmiti diferente malesa, por ehempel e malesa Dengue cual por ocasiona sintoma nan hopi fuerte di keintura, dolor di cabes, curpa y weso y por te hasta conduci na morto.

Na momento cu awa di yobida of cualkier awa keda para e ta bira un luga unda sangura por pone webo y broei.

Mas awa para tin rond di un cas, mas molester di sangura e habitantenan di e cas mes lo tin y tambe esnan cu ta biba den sercania. Mas cas cu criadero di sangura tin den un area, mas grandi e problematica di sangura lo ta den un barrio hisando asina tambe e posibilidad di transmision di Dengue, Zika of Chikungunya.

Personal di seccion di Gele Koorts Muskiet Bestrijden (GKMB) di Departamento di Salud Publico (DVG) ta canando tur dia cas pa cas den diferente distrito treciendo informacion na comunidad y tambe ta yuda educa habitantenan pa reconoce e potencial criaderonan rond di nan



cas. Di e forma aki cada ciudadano por sigui nan mes yuda mantene e cantidad di sanguranan rond di su cas y den su bisindario abou. Tambe GKMB ta cumpliendo cu su tarea di bishita areanan y terenenan publico pa sana of deshaci di awanan para cu ta potencial criaderonan di sangura.

E origen di e problematica di sangura ta e criadero di sangura. Mas criadero tin, mas sangura lo tin. P'esey cada ciudadano den comunidad tin e responsabilidad di activamente yuda den e proseso pa deshaci di criaderonan di sangura, cuminsando den nan mes un cas y cura. GKMB lo spuit solamente den

pa sangura pasobra na momento di spuit unicamente e sangura cu ta bulando ta muri. Si comunidad no deshaci di e criadero nan rond di cas, e baby sangura (larva) den awanan para rond di cas lo sigui nan cyclo di bida y den menos cu 1 dia lo tin e mesun problematica atrobe.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

caso si tin un outbreak di un malesa transmiti

Clasificados

SOLODIPUEBLO@GMAIL.COM

CEL. 585 9500

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO
9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO


16. GATO

SUDOKU

	7					3	8	5
	2					7		
8								
			3		5			
		1			6		4	
					2	8	9	
1	9			5				
6			8					9
5						1	3	2

		8				7		
9	3		4					
			3	8				5
4		3	7			9		
	6				9		8	4
5				3			1	6
	4		1	6				8
					7			

		7			4		9	2
		5		7			1	
					2	5		
		4			6			8
			2			3		7
	3	6	5					
	5							4
7			3				2	
					8			



Oracion di dia

Un feliz dia fructifero colma cu hopi gracia di Dios.

'Ningun hende no por bini cerca Mi, si mi Tata cu a manda Mi no hal'e cerca Mi'. (Huan 6, 44)

Cristo ta bisa cu ta via di Dios so un hende por yega cerca djE. Mescos tambe den e lectura ta pa medio di un angel di Dios Felipe a

topa cu e africano. Cristo mes ta splica cu E ta e pan cu ta duna biba. Esaki ta nifica cu nos tin di sigui busca Cristo pa medio di oracion, pa medio di lesa Bijbel, cumpli cu e 10 mandamentonan, haci

bon obra, haci sacrificio y scucha e Palabra di Dios. Busca pa por conoce e Palabra di Dios, laga Pastoornan y Diacononan splica e Palabra di Dios ja asina nos por yega cerca di Dios y Cristo Hesus. Felipe a splica e homber di Etiopia e loke e tabata lesa di profeta Isaias y ora el a compronde el a wordo batisa mesora. Rumannan nos tin

di sigui y busca e pan cu ta duna bida cu ta Cristo. Haciendo esaki nos tin sigur di haya bida eterno.

Oracion: Dios Tata laga Spirito Santo inspira nos pa nos por sigui busca e pan cu ta duna nos bida cu ta Cristo.

Amen.

E cuater miho shampooan casero pa caba cu caspa



Cuanto hende ta sufri di caspa y no ta logra caba cun'e, apesar di a usa diferente producto! Na prome luga, ta fundamental ta berigua ki tipo di caspa nos tin.

A partir di e momento ey, nos por usa un di e shampooan natural cu nos ta usa. Descubri den e articulo aki e 5 miho shampooan casero pa pone fin na caspa.

Na e mesun momento, nos ta logra haya un cabey bunita, fuerte y sano. Laga nos purba!

Ki tipo di caspa nos tin?

Nos ta referi na e caspa ora cu nos ta observa puntonan chikito blanco den nos cuero di cabes. E por causa grawatashi of miho bisa, un aspecto sushi na nos cabey y ademas, nos ta supone un importante problema estetico.

Ta motibonan suficiente pa busc un solucion. No obstante, nos mester observa con pa berigua ki tipo di caspa e ta:

- Si e tin un aspecto seco y por causa picamento. Ta puntonan blanco cu ta keda riba e kraag di nos paña, ta trata di un caspa door di descamacion. Nos cuero di cabes mester di hidratacion.

- Si e tin un aspecto vet y geel y ora nos mishi e

cuero di cabes nos ta sinti e textura oleoso, ta trata di caspa door di dermatitis seborreica. Nos cuero di cabes mester di ekilibra e vet y combati e fungus caracteristico di e caspa.

Si e caspa ta algo puntual, nos mester descarta cu e tin algo di haber cu un shampoo nobo cu nos ta usa, algun deficit nutricional of un labado escaso of excesivo di e cabey. E contamiacion di otro factornan ambiental tambe por influi.

Shampoo basico casero

Si nos kier un opcion natural pa combati e caspa, nos por opta pa un shampoo specifico liber di sulfato y parabeno. Tambe nos por añadi un azeta esencial na nos shampoo natural.

Nos ta recomenta realisa nos propio shampoo casero cu ingredientenan natural y añadi na nan despues algun di e azetanan esencial anticaspas cu nos propone segun nos tipo di cabey. A continuacion nos ta comparti e receta basico.

Ingrediente

Pa prepara e shampoo casero nos mester di e siguiente ingredientenan:

- 1/2 cup di gel di aloe vera (125ml)
- Un cup di glicerina

likido natural (250ml)

- 1 cup di juice di lamunchi (15ml)
- 1/2 cuchara di azeta di coco (8ml)
- 15 gota di azeta esencial anticaspas eligi.

Elaboracion

- Pa elabora e shampoo casero aki, solamente nos mester mescla tur e ingredientenan den un boter y sacudi'e bon. Semper nos mester bolbe sacudi'e prome cu use.

- Si e azeta di coco ta solido, nos por pone na baño di Maria te ora cu e dirti. E ora e lo ta cla pa mescla cu e resto di e ingredientenan.

Ki azeta esencial mi ta añadi?

Tur azeta esencial cu nos propone a continuacion, ta yuda nos combati caspa. No obstante, cada un di nan ta aporta propiedadnan diferente cu nos mester eligi den funcion di nos tipo di cabey.

E azetanan esencial mester ta semper puro. Riba su label nos mester haya e nomber na Latin. En caso contrario, ta posibel cu e esencianan ta sintetico sin ningun propiedad pa elimina e caspa.

1. Tea tree

Tea tree ta un di e azetanan mas popular pa combati tur tipo di infeccion. Den e caso di caspa, en especial si e ta vet, e sa ta relaciona cu un fungus. Pa e motibo aki, e ta un azeta hopi efectivo pa elimin'e. Su holo ta un poco fuerte, pa cual nos ta recomenda meskl'e cu algun di e siguiente azetanan mas aromatico. Nos mester



evita su contacto directo cu e wowonan.

2. Menta

Menta ta ideal pa tur tipo di caspa, pero en especial pa esun cu ta caracteriza pa un exceso di vet. Ademas, e ta proporciona frescor y ta aliva e picamento.

E azeta aki tambe ta un bon remedi pa stimula e cuero di cabes y preveni caida.

Por lo tanto, por ta un shampoo hopi adecuado pa tur.

3. Lavander

E lavander ta e azeta esencial pa tur, danki na tur su multiple propiedadnan. E ta antiseptico y calmante y ademas e ta destaca pa su delicioso y relahante aroma. E ta ideal pa e

caspa seco y vet.

Ademas, e azeta no solamente tin e virtudnan medicinal, sino cu tambe tin e capacidad di potencia e efecto di otro azeta. Pa e motibo aki, nos por combin'e cu cualquier di e otro azetanan cu nos propone.

4. Citrico

Tur e azetanan citrico (lamunchi, apelsina, grapefruit, mandarin, lima) ta yuda nos regula e vet, combati e caspa di tipo vet y aporta hopi briyo na nos cabey.

Ademas, e azetanan esencial aki tin un delicioso holo y segun aromaterapia, ta contribui na mehora nos estado di animo. Di hecho, e ta destaca su propiedadnan andidepresivo.

PUEBLO A HAÑA SU PEN BEK

Pa kualquier informacion
solodipueblo@gmail.com
of
☎ 585-9500

SABIDURIA DEN NOS ALEGRIA


Skirbi pa Ruthy”Lady Ruth”Vrieswijk-Bergen

Y.....boso tambe a keiro un crenchi den auto, core admira e rotondenan bunita na luz ? Lady Ruth ta super super contento cu su poemanan di Pascu cu ela skirbi pa su mayornan awe dfm a bolbe bira un bunita cantica cu nos a share ariba facebook y ariba whats app cu nos amiga y amigonan cu ta aprecia e talentonan di Lady Ruth. Danki pa e motor tras di e obranan aki, nos bon amigo Dr. Ike Posner, un cabayero all out y hopi talentoso, activo den su tempo di penshoen al momento. Pero ya nos a mencionele y pon’e in het zonnetje den nos relato di siman pasa. Wel, mi curason ta alegre y gradicido pa mi talentonan di inspira y skirbi bunita poemanan cu ta bira un cancion cu ta toca curason. Boso tambe sa wordo molestia cu personanan desconosi cu kier usa boso profile picture bao di nan number pa habri un account na nan number ariba fb ? Corda shonnan, Ruthy Vrieswijk tin un account so ariba facebook cu un bunita potret di su mayornan tempo nan tawata hoben y enamora. Nos no sa con druk nos amigonan den prensa lo ta otro siman, pesey laga nos cuminsa gradici nan for di awe caba, awor cu no falta mucho dia mas pa nos celebra e nacemento di Ninjo Hesus hopi anja pasa, atrobe den un otro Pascu. Na Diario e gentil cabayero Nilton Lacle, na Awe Mainta e carinoso sra. Marilu Koolman-Maduro,



na EANEWS e simpatico Farrah Boekhoudt, na Extra Bonaire e homber serio Boi Antoine , na Solo di Pueblo lieve Sandra Suarez cu ta forward mi poemanan pa nan y tambe danki na e semper inspira e cabayero Babu Hoek cu su MasNoticia. Un poema cu a hanja hopi atencion y reaccion ta mi poema Un carta cu a wordo analisa profundamente den e idiomanan hulandes y ingles, pa a hala mas atencion di e mundo medico pa nan no negligisha patient di edad halto mas. Pa nan trata tur patient , tambe adul-tonan mayor, cu e debido trato y atencion y cu respet. E klachtencommissie di HOH a pidi extension di 4 siman pa nan por rond af nan investigacionnan. Ora ta asina lew pueblo lo tende con a bay. Ketobay nos ta topa cu personanan riba caya, den fastfood restaurant y na oficina di dentista cu personanan cu ta conta nos nan testimonio con nan grandinan a wordo trata, cu no ta un trato di gaba. Enfin, nos ta felicita HOH cu nan bunita jingle di Pascu canta pa Jeon cu algo di salud na bo salud

? Awe Diasabra anochi trahando e relato aki, nos ta tende den nos curason e dushi y bunita cantica di Juan Luis Guera “Ohala que llueve café en el campo” , sperando cu e concierto tawata uno exitoso atrobe di e grupo Elite Entertainment. Naaaaah, nos no ta bay actividadnan asina mas, nos ta malcria den nos dushi ambiente na cas, suchando Alexa. Hasta Mama Amy a enamora di Alexa su musicanan dushi ! Danki lieve Amy y Sharlyn pa e dushi anochi di ayaka serca nos y tambe un danki na Nilton y Ann, mi amigonan fey den prensa di hopi anja pasa, pa nan bishita tambe serca nos, nos tradishon di tur anja, sinta “catch up” y saborea un dushi ayaka. Den un dushi ambiente na cas, nos ta aprecia esaki masha hopi mes. Lady Ruth y su esposo Johan, na caminda pa celebra nan di 48 anja casa felismente cu su ups and downs, su lesnan y experiencianan den hopi dushi momentonan hunto den y cu famia, dia 21 di e luna aki di December 2025. Nos ta sigui duna Dios danki pa tur tur cos, pa cada dia yena y colma



cu alegria cu ta ruman di Tristeza, manera e bunita cantica dedica na nos Papa cu Mama, cu por wordo scucha ariba Ruthy su facebook page. Danki na abo, lector fiel di nos relato semanal “Sabiduria den nos alegria” pa lesa locual nos curason inspira pa comparti. Danki pa

tur bon comentario ricibi. Nos ta aprecia nan masha ! Na boso tur, dushi dianan y momentonan di preparacion pa cu Pascu y Anja Nobo 2026 ! Corda bisa bo sernan kerí cu bo ta stima nan ! Un “bearhug” di Ruthy Lady Ruth pa boso tur !

 Paardenbaaistraat 10, Oranjestad, Aruba Tel.: (297) 525 - 7555 www.lottoaruba.com			Resultado: Sorteo di Merdia - December 14, 2025	
 Sorteo # 4833 8543 5872 9187 X2 Sorteo # 4833 9009 X2 Sorteo # 2889 2077 Sorteo # 4833 2822 Acuario Sorteo # 1707 886 FP	 Sorteo # 0 x Jackpot 0 x Match 4+ 0 x Match 4 0 x Afl. 12,00	JokerLetter Proximo Jackpot 100.000,-	 Sorteo # 7039 0 x Jackpot 3 x Match 4 100 x Afl. 8,00	03-06-07-27-28 Proximo Jackpot 53.000,-
 Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00	Mega Ball Proximo Jackpot 330.000,-	 Afl. 440.000,-	 Sorteo #	Sorteo # 232 202512 

E DIES MANDAMENTONAN DI DIOS PA TEMPORADA DI ADVENT (CONFESION)

1. Stima y adora bo Senyor y bo Dios di henter bo curason, di henter bo alma, di henter bo sentir, di henter bo ser y mas cu tur cos di mundo y stima bo prohimo manera bo mes.

Akinan nos mester stima Dios mas cu nos mes y mas cu nos famianan.

Den e Ley di Dios aki ta prohibi nos di kere y di participa, den bruheria, den medium, den diosnan falso, den organisacionnan satanico, den illuminatienan, den reiki, den reincarnacion, den pactonan satanico, den hypnotismo, den horoscopo, den yoga, den quija board, no pone tatuahenan riba curpa, no marka e 666 riba curpa y no pone e microchip den bo curpa etc. E mesun ley di Dios ta bisa tambe, di stima bo prohimo manera bo mes. Akinan nos mester stima tambe e pobernan, e chollernan, e drogadictonan, e handicapnan, esnan mentalmente malo, bo enemigonan, esnan di tur rasa y religion. Pero nos no mester stima nan pikanan y nan errornan cu nan ta biba aden.

2. No usa e nomber di Dios sin mester.

No menciona e nomber di Dios den bo dichonan y jokenan bulgar, den bo palabranan di blasfemia, den bo palabranan malo etc.

3. Santifica dia di Senyor.

E dia di santificacion ta riba Diadomingo dia cu Cristo-Hesus a resucita. Diadomingo ta dia di descanso y e no ta un dia di traha den trabao. Diadomingo ta un dia di famia na unda tata y mama ta tuma tempo pa nan yiunan y tambe di bishita famianan. Diadomingo ta dia di Senyor na unda tur hende ta bai Misa, pa Santifica Dios Su dia den e Santa Eucaristia. Akinan nos ta sigi recorda Cristo Hesus Su Pasion, Su Sufrimento, Su Agonia y Su Morto na Crus te dia E bolbe bini. Den e Santa Eucaristia nos ta ricibi E Curpa y E Sanger di Cristo-Hesus pa nos por tin bida eterna. Lucas 22: 19/20, Huan 6: 53/54. Bai Misa riba Diadomingo ta obligatorio.

4. Honra bo tata y bo mama.

Dios kier pa nos obedece nos tata y mama, pasobra Dios ta conseha nos y spierta nos pa medio di tata y mama. Yiunan cu ta tende y ta obedece nan tata y mama, nan lo haya e pas y e Felicidad den nan bida, den nan matrimonio y den nan famia. Yiunan soberbia cu no ta honra nan tata y mama, nan bida lo bira desaregla y nan matrimonio lo fracasa. Yiunan, cuida boso tata y boso mama te dia cu Dios yamanan.

5. No mata.

Akinan nos mester respeta bida di tur ser humano. Ta Dios tin nos destino den Su man, pa nos laga e mundo aki. No comete crimen, no comete suicidio, no comete abortus, no comete euthanasia.

6. No comete adulterio.

Dios ta uni e pareha den un solo curpa den e Sacramento di Matrimonio den Misa y Dios no ta reconoce divorcio, Marco 10: 6-9. Na esnan cu a divorcia y ta bay biba cu otro persona, nan ta comete e pika di adulterio, Mateo 5: 31/32. Cristo-Hesus ta bisa, cu ningun di esnan cu ta comete e pika di adulterio, nan lo no drenta den e Reino di Dios, 1Corinthionan 6: 9/10.

7. No horta.

Akinan nos mester respeta propiedadnan di otro, pasobra ta Dios ta duna nos tur loke cu nos tin mester pa biba. Esnan cu a horta y ta debe otro, nan lo paga nan debenan den purgatorio despues di morto.

8. No lanta falso testimonio riba bo prohimo.

Ganjamento y haci redonan falso ta un pika grandi. No instiga otro cu rabia riba otro, no yena otro cu falsedad y odio, no tuma conseho di personanan pecador y desvia.

9. No comete e pika di fornicacion y e pika di deshonesto.

E pika di fornicacion ta e relacion sexual prohibi pa Dios, cu ta e pika di

curpa. Esaki ta esnan cu ta haci relacion den libertinahe sexual, esnan cu ta biba companja, esnan cu ta casa pa Raad so, e prostitutanan y tur relacion sexual pafor di e Sacramento di Matrimonio, ta condenabel. Den 1 Corinthionan 6: 9 / 10, Cristo Hesus ta avisa, cu ningun di esnan den fornicacion, nan lo no drenta den e Reino di Dios. E pika di deshonesto y di inmoralidad, ta e hombernan cu a kita nan tradicion natural pa bira homosexual y e muhernan cu a cambia nan tradicion natural pa bira lesbiana. Muhernan a cambia nan tradicion natural pa esnan contra naturalesa. Mescos hombernan a kita nan tradicion natural cu muher y a inflama nan mes den e pasion cu homber, den oral y anal sex. Tambe, e hombernan cu ta masturba y ta usa condom pa benta nan spermanan afo, ta wordo condena. Muhernan cu ta usa tur sorto di anticonceptivonan, pa no sali na estado, ta wordo condena. Den Bijbel

Genesis 38: 6-10, Dios Tata a kita bida di Onan, pasobra Onan tabata benta su spermanan afo. Tur sorto di anticonceptivonan a wordo crea pa satanas pa stop Dios Su autoridad di procreacion humano. Romanonan 1: 26/27, Levitico 18: 22, Levitico 20: 13.

Den 1 Corinthionan 6: 9/10, Cristo Hesus ta avisa, cu ningun di esnan cu ta comete e pika di deshonestidad y e pika di inmoralidad, nan lo no drenta den e Reino di Dios.

10. No codicia cos di otro hende.

No codicia loke cu no ta di bo. No codicia e muher di otro, no codicia e homber di otro, no codicia su propiedad, no codicia su beneficionan. No sea envidioso, no sea avaricia, no sea soberbia y no sea lujuria.

Seferino Tromp
Koyari 13-D Cell. 5931157 / 5870048
Id. 57.11.22.40
E-mail: etajuni@yahoo.com

